

UGOVOR BR. 11-01-38-7901-7/16

*o nabavci i isporuci bar kod čitača za potrebe Sektora za saobraćaj i edukaciju
Ministarstva za obrazovanje, nauku i mlade Kantona Sarajevo i realizaciju eksterne mature u
srednjim školama na području Kantona Sarajevo*

Zaključen dana **06.04.2016.** godine između:

PRODAVAC:

R&S d.o.o. SARAJEVO, Ul. Igmanska b.b., 71320 Vogošća

kojeg zastupa i predstavlja direktor Kemal Selmanagić (u daljem tekstu – Prodavac)

KUPAC:

MINISTARSTVO ZA OBRAZOVANJE, NAUKU I MLADE KANTONA SARAJEVO,

koje zastupa i predstavlja ministar Elvir Kazazović (u daljem tekstu – Kupac)

1. PREDMET UGOVORA:

Predmet Ugovora je isporuka čitača bar koda prema ponudi 2421/16 od 25.03.2016. godine za sljedeće stavke:

- **Čitači bar koda sa stalkom 50 komada**

**Bar kod čitač ZEBRA / SYMBOL LS2208; USB; stalak; Bi-direkcionalni/dvosmjerni;
Izvor svjetlosti: 650 nm laserska dioda.**

2. OBIM ISPORUKA:

Obim isporuka iskazan u tački 1. ovog Ugovora, obuhvata:

- isporuku čitača bar koda u prostorijama Kupca,
- održavanje u garantnom roku.

3. CIJENA:

Ukupna cijena za isporuke i radove po ovom Ugovoru iznosi:

1. Cijena bez PDV-a	10.525,00 KM
2. PDV	1.789,25 KM
3. Cijena sa PDV-om	12.314,25 KM.

Slovima: (dvanaest hiljadatristotinečetnaest i 25/100 KM)

Cijena po ovom Ugovoru podrazumijeva paritet fco Sarajevo, isporučeno na sjedište Kupca (Ul.Reisa Džemaludina Čauševića 1, Sarajevo), ocarinjeno, bez poreza na promet.

4. NAČIN PLAĆANJA:

U roku od 90 dana od dana potpisivanja Ugovora. Kupac se obavezuje da će plaćanje robe izvršiti na bankarski transakcijski račun Prodavca broj: **1602000024706893** kod **Vakufske banke d.d.** Sarajevo, u gore navedenom roku koji počinje teći od dana ispostavljanja fakture.

5. ROKOVI:

Rok za isporuku opreme iz tačke 1. ovog Ugovora je odmah po potpisivanju Ugovora, a najdalje u roku od 1 (jednog) dana.

6. PRIMOPREDAJA:

Primopredaja opreme vrši se potpisom otpremnice, a ista se potpisuje nakon kvalitativnog i kvantitativnog prijema opreme, koju će izvršiti Zavod za informatiku i statistiku Kantona Sarajevo.

Ukoliko se pregledom utvrdi da kvalitet i kvantitet ponuđene opreme ne odgovara traženom i ponudom utvrđenom kvalitetu (brend name oprema) i kvantitetu, Kupac zadržava pravo da traži otklanjanje nedostataka odnosno ako se nedostaci ne otklone u roku od 48 h da raskine ugovor na štetu prodavca.

Primopredaja računarske opreme izvršit će se u Sarajevu kako slijedi:

- Zgrada Vlade Kantona Sarajevo, Ul. Reisa Džemaludina Čauševića br. 1, kat II

7. GARANCIJE:

Za ugovorenu opremu iz tačke 1. ovog Ugovora Prodavac daje garanciju na kvalitet i funkcionalnost u trajanju od:

- **24 (dvadesetčetiri) mjeseca od dana isporuke.**

Garancija za čitače bar koda obuhvata sve kvarove nastale usljed grešaka u projektiranju, proizvodnji i materijalu.

Prodavac će u toku garantnog perioda održavati opremu u funkcionalnom stanju i u okviru toga izvršavat će redovno održavanje i otklanjanje kvarova, odnosno popraviti ili zamijeniti, po svojoj ocjeni komponentu ili neispravni dio opreme.

Sve neispravne komponente ili dijelovi čitača bar koda ostaju vlasništvo Prodavca.

Garancija se ne priznaje u slučaju kada je do kvara na opremi došlo usljed:

- nepravilne, nestručne upotrebe opreme,
- neadekvatnih uslova za rad opreme,
- više sile i
- drugih nepredviđenih događaja.

Kupac gubi pravo na garanciju ako u toku garantnog perioda, bez pristanka Prodavca, sam ili putem trećih lica vrši popravke na predmetu Ugovora.

8. OBAVEZE KUPCA/PRODAVCA:

Zvanični predstavnik Ministarstva za obrazovanje, nauku i mlade Kantona Sarajevo za realizaciju ovog Ugovora je **Burim Adžanel**.

Zvanični predstavnik Prodavca za realizaciju ovog Ugovora je **Dino Duran**.

Prodavac se obavezuje da će po isteku garantnog roka obezbjediti Kupcu nabavku rezervnih dijelova za bar kod čitače u periodu od najmanje 24 mjeseca, kao i da će omogućiti Kupcu ukoliko on to bude tražio sklapanje Ugovora o održavanju opreme.

9. AUTORSKA PRAVA:

Prodavac zadržava sva autorska prava proistekla iz njegovog industrijskog vlasništva nad cjelokupnim predmetom ovog Ugovora.

10. SPOROVI

Sve eventualne sporove koji proisteknu iz ovog Ugovora rješavat će ugovorne strane sporazumno. Ukoliko ne bude moguće sporazumno rješavanje nastalih sporova isti će biti riješeni putem nadležnog suda u Sarajevu.

11. ZAVRŠNE ODREDBE:

Sve eventualne dopune i izmjene ovog Ugovora moguće je obaviti pismeno potpisivanjem Anex-a osnovnog Ugovora, uz saglasnost ugovornih strana.

Ovaj ugovor je sastavljen u 4 (četiri) istovjetna primjerka od kojih svaka ugovorna strana dobija po 2 (dva) primjerka.

Prodavac

R&S d.o.o. Sarajevo



Kemal Selmanagić

Kupac

KANTON SARAJEVO
Ministarstvo za obrazovanje, nauku i mlade



MINISTAR

Prof. dr. Elvir Kazazović

Broj: 193/2010
Sarajevo, 06.04.2016. godine

Broj: 11-01-38-7901-7/16
Sarajevo, 06.04.2016. godine